



A mi mi plâs propit la serade das cidulis. Usgnot mê mari mi lasse stâ sù fin tart: si va insiemit li de culinute di Tamai e si sta a li fint che a finissin. A 'nd è un grum di int, il prât al è dut sfodrât, e mame mi lasse avonde libar di lâ ator.

Biele la gnot: lis lûs che a son no rivin dapardut e par ogni zone scure jenfri lis frascjis mi pâr che a sedin i vôi di sbilfs e guriuz che a vualmin ce che a cumbinin i oms. Ma jo o cîr di scuiarziju!

Mah! No mi cuadre tant une robe però, o domandi di spiegâmi a me agne Antonella.

Me agne Antonella e je chê plui simpatiche... «zia Antonella, ma jo o ai viodût cumò devant Rose cun Michele dai Mucs che a erin platâts insiemit daûr di une cise, li dapît. Veh! Là... Ma je no varés di stâ simpri cul so morôs?»

Me agne si viôt che nancje mi à scoltât: si è voltade dut un colp di une atre bande. I grancj no stan mai a sintî ce che o vin di dî noaltris fruts, al è dibant che par television a fasin il «TG dai ragazzi».

**di Dree Venier**

**#161**